

# Cura ca las antilopas vutan betga murir

Reto Wäger â invento egn nov projectil par la tgatscha grischùna


■ (anr/grc) Reto Wäger (1963) da Scuol e atgnameing infurmiticer, dantànt ear egn catschadur passiuno. El e ear parschudieig digl caliber da minimal 10,2 mm, parscret an noss cantùn. Dantànt digls 2002 â el stieu far l'experienzta ca las antilopas an Namibia (Africa) levan betga murir segl culp cun sia muniziùn 10,3 mm sco talas sagitadas cun oters projectils. Quegl gli â do da ponderar ad oz â el svilupo egn projectil digl qual el a numerus oters catschadurs en parschudieus, digl projectil «Gian-Martget®». Da lez tains sagitava el la muniziùn grischùna a mantel parzial 10,3 x 60R cun igl projectil da Blaser cun egna pesa 16,5 grams. El â sagito quarter salvascheinbas da 60 antocen prest 300 kilos greavas. Betga tier egn da quels animals â gl do egna rusna da sortida digl culp. Quegl â animo Reto Wäger da svilupar egn projectil sainza plùn. Diferants prototips en vagnieus svilupos ad examinos antocen tier la versiùn dad oz digl projectil original Gian-Martget®.

## 170, 270, English Express, Blaser ad ascheia anavànt

Tarlànt igls catschadurs vigls a raquintar da «tempi passati», od'ign quànt incàn-


tos c'els earan da la patrona 170. Cun la anteriura 270 a mantel parzial eara la pluralitàdigls catschadurs ear cuntas, dantànt quels ca ân egn'eada gieu sagito la 170, la «H-Mantel», quels vutan betga calar da ludar que projectil. Igl grànd efect da schoc sco ear la rusna da sortida digl culp betga megna grànda paran dad easser stos igls avantatgs prinzipals da que projectil; tals ca Reto Wäger â fetg probabel puspe scuvretg cun sieus projectil Gian-Martget®.

Digls 1902 annà e igl caliber da seglmains 10,2 mm parscret agl cantùn Grischùn. Igl sen da quella limitaziùn e sto par regular igl squetsch digl catschadur. Digls 1919 davent à la fabrica da muniziùn svizra produtgiu la patrona 170. Suainter â savundo la 270 a ple tard la RWS a la Blaser, products betga ple sviziers. Dad ons annà dati blears catschadurs ca tgargian sezs lur muniziùn ad angiran ear sen quella. Digl projectil Gian-Martget® satract'igl atgnameing d'egna cula ca sabasa sen experienzas fatgas gea digl tains digls tgargiadavànts ad e conzipieu cun crenas da sustegn ca pon influenzar positivameing la speartadad iniziala, igl schiunno V 0, quegl vut gir la cula e ple rasant. Tenor egna broschura da Reto Wäger



Reto Wäger, l'inventader dal nov projectil.

FOTOS MAD



Dretg il projectil  
Gian Marchet®.

ger restan ple ca 95% digls 16,5 grams da la pesa da la cula. Igl svilup da que projectil par oters calibers segian an elavuraziùn, raporta Reto Wäger anviers l'anr.

#### Resultats digls culps 2004

Tut igls culps en vagnieus fatgs sen distàncias da 18 antocen 198 meters, a la media sen 110 meters. Igl projectil garantescha par egna rusna da sortida digl culp tras 50 a dapple zentimeters tgarn, sa capescha c'ign tgata avunda sànn a pel segl fastez. 66% digls animals en rastos segl plùnt (rusna da sortida digl culp a la media = ca. 50 mm), tschels animals en fugieus me 38 meters. 90% digls animals

âñ signieu fettg cler. Igl projectils Gian-Martget® en adatos par mintga buis digl caliber grischùn. An cumparegliaziùn cun la patrona RWS e la speartadada da partida da la tguna 87 meters par secunda ple spearta, tge ca â par consequenza ca la lingia da sgol da la cula e ple stendida, quegl vut gir ella croda betga schi speart, peia e la sigirtad da tutgear ear sen distàncias ple lùngas ple probabla. Igl product Gian-Martget®" pon ign cumprar sco patrona antiera near c'ign po cumprar me igl prejectil spezial.

Infirmaziùns davant que projectil tga't'ign sut:  
[www.gian-marchet.ch](http://www.gian-marchet.ch)